

La qual nave, stando di tutto caricha, assi de vitalie come de merchantie, uno giorno li marinari d' epsa meterno al focho una caldera de pegola, e da poi andorno a far altro, di modo che non restò in guarda di la caldera di pegola niuna persona, se non uno garzon, che facea fogo da basso d' epsa. E lo focho fo cussi grande, che saltò in la caldera, e de subito, senza remedio niuno, se mete in tuta la nave, e brusò insino a lo fondo, che d' epsa non se salvò altra cossa salvo 700 in 800 cantara de ramo e 200 cantar de piombi; tuto lo resto brusò, assi de le vitalie, che in epsa era caricho 400 botte de vini, la mazor parte caricha, e 1500 cantara de biscoti. Che ben la valuta de quello se perdetè, assi del corpo de la nave, como de li aparechij e vitalie e certe poche de merchantie, ascende a la summa de XX milia duchati, che questa solo nave aia di portar tanto, como la mitade di l'armata che hor va, che quello mancho podesse portar seria stato 8000 cantar de specie. El serenissimo re, achaduto questo inconveniente, determinò che altre doy nave, che qui stavano, de 400 tonelli l' una, che una d' epse era la capitania, che horra per octobrio vene, e un'altra bischaina nova, che 'l re mandò a comprar im Bischaja, e trovarono che lo tempo era breve, che inanti fosseno preste sarà tutto april; e tornorno a pigliar per consilio, che le nave, che al presente erano preste, con lo primo tempo partisenò; e che de qui a 6 mesi mandasenò 4, o ver 6 nave, e per zenaro, o ver febraro, 25 altre nave. Questa fu la l'horo terminatione, im perhò sarà quello che Idio vorà, che grande provisione se fa, che de Fiantol aspeta questo serenissimo re 6 nave de 300 in 400 tonelli, che, al più tardi posono esser qui, sarà per tuto zugno. Da poi in questo regno, in diversi lochi, se fanno nave per suo mandato, che credo veramente, se non saranno tante, como la loro voluntade, che pocho mancherano. Queste XI nave che vanno hora, vanno ben fornite de dinari e merchantia, che di bon rason le mercantie levano sono bastante de charicharle tutte. Che lo fondamento de questo serenissimo re fu de mandar con epse soe merchantie, a ciò che le restasse bona somma d' esse, perchè, quando da poi andarano a la nave, trovano specie per carichar, se non di tutto in qualche parte; a niuna persona, assi de' naturali, come strangeri, non à voluto dar licentia mandì là; e se non fosse stato che Catelan Dres havia la licentia de le nave mandò inanti vegniseno le nave veneno questo octubrio, la sua mancho saria andato là, perchè la voluntade de questo serenissimo re è, che tute le specie vengano a

suo poder. Al capetanio mazor de questa armada, e cussi a li altri capetanj, à dato licentia per una certa quantitate de specie, che possino portar ciaschaduno di l'horo, im però li ha defeso, che de qua non leveno mercantia niuna, di sorte che sia, salvo danari contanti; e manda che in la India tuti li danari siano consignati al fator suo, e che lui compri tute specie, a ciaschaduno, secondo li denari li consigna, i dia tante specie di la sorte vorano; e questo non vien se non ben al serenissimo re, perchè con li danari de li capetanj soy despaza sua mercantia, perchè là, quando comprano, dano parte contanti e parte in mercantia. Li capitani di tutto quello portarano gionti qui àno a pagar la mitade al re, l'altra mità per si, resalvando XXX cantar de peveri, che d' epsi non hanno da pagar cosa niuna. XV giorni sono che qui arivorno de Fiandol doy alemani, con grande somma de arzenti e mercantie, li qualli vegnirno con speranza de mandar doy soi gioveni in questa nave, e forno avanti el re, con letere di lo imperador e archiducha, e li dimandorno logo che podesseno mandar questi soy gioveni in questè nave. La prefata richiesta fu con XX milia ducati in contanti, e qualche pocha de mercantia. Al fin el re non li volse dar locho per 5000 ducati, che questa fu l'ultima richiesta, salvo, li rispose, che se voleseno tratar in suo regno, che li darà ogni favor honesto e licito, ma che per l'India havia ordinato con lo suo consilio de non dar locho a niuna persona. Cussi se restorno per bestia, che inanti pensavano, che per el su' venuta havieno demandar el regno; e questo judicaveno in loro, como homeni mali pratici de terra. E questo è quanto per hora a la magnificentia vostra posso significar, circha di questo caso de India, e acadendo altro a la giornata, quella serà di tutto particolarmente avisata, che ogni pochi de giorni poterò far in suo (*sic*) . . . la corte faza residentia in Medina, perchè ogni pochi giorni de qui vanno merchadanti per là. E questa mando per le mane de Andrea Veluti fiorentino *etc.*

*Olysiponi, 7° aprilis 1504.*

A tergo: *Magnifico ac excellentissimo legum doctori, domino Petro Pasqualigo, oratori veneto dignissimo.*

*Dil mese di zugno 1504.*

11

*A dì primo zugno.* Da poi disnar fo pregadi. Fo fato un savio dil conseio ordinario, et do di zonta fin septembrio; rimase primo sier Marcho Sanudo,